

寄彭義書第二集
昔分會并寄家書

中華民國七年冬月鐫版定價每冊

惜分陰軒醫案卷二

紹興醫藥學報社發行

醫學叢書第二集敘

嘗謂一國之文明恃乎一國人維持之力而定其發達之程度伏羲之畫卦倉頡之造字神農之膏藥使非後人起而維持光大之亦烏能傳於今日耶故大易曰作者之謂聖述者之謂賢韓昌黎曰莫爲之先雖美弗彰莫爲之後雖盛弗傳然則學術之興衰文化之優劣其繫於人何如也中醫自歐化輸入以來淺識之士往往厭故喜新是丹非素豈知中醫學術有超乎西醫之上者全國藥材有補歐美之缺者此其故蓋有數因焉一則中國文化發明在先其精神所到之處已非歐人所能及故中醫古書所言之理多有爲西醫所不能道者一則中國地大物博金石草木之中多有奇效藥品爲歐美所無者一則數千年來名醫輩出一家有一家之長一書有一書之用融會貫通已覺應用無窮以視彼醫校之數卷講義其精粗得失爲何如耶有此三因故中醫學術微獨相傳至今不墜且將永傳於無窮也顧自洪楊亂後名家著作湮沒失傳者不

渺近歲兵革疊興烽煙所至城邑爲墟生命財產舉莫能保而書籍之損失殆不知有幾千萬卷也豈非至可惜之事哉紹興裘吉生先生湛深醫術年來與其鄉邦名宿設會刊報提倡醫學洵今日之有心人也近復鑒於古書零落先賢遺籍湮沒不彰者甚多因慨發巨資選刻叢書其第一集已刻成者爲莫枚士研經言周氏易簡方集驗方羅謙甫醫案吳鞠通醫案惜分陰軒醫案人葭考今第二集刻工又竣於研經言數種外復搜入市隱廬醫學雜著李冠仙知醫必辨其中或爲先賢遺籍或爲時賢名作皆極關重要之書也學者誠得此書而研究之已如入寶山而握驪珠其必能深造無疑也或者謂中國醫學今日已窳敗極矣而予獨津津贊美之何也余應之曰中醫之窳非窳於學術之不良實窳於人之不學亦猶今之國事敗壞生民塗炭也豈真中國之不可治哉執政者之不得其人也不但掌兵符之將帥不能如郭汾陽之赤心爲國而懷經濟之儒臣亦多心存利祿則國事安得而不敗哉惟醫亦然故欲求醫學

之昌明必先提倡學風苟人人皆以學術爲本精益求精則良醫必遍天下若不此之務而惟門戶之爭吾恐中醫固不良者多而西醫之不良者將接踵而起也豈不令人浩歎哉然則裘君此書當爲提倡醫學之嚆矢而於醫學前途有絕大關係者也爰樂爲敘而歸之

中華民國七年戊午九月江都袁焯桂生甫拜敘

醫藥叢書第二集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用水刻中紙古式精裝爲完全藏書格式且爲完全國貨

一是集所採各書共計六種皆爲極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除附印另議外照定價均無折扣但書業報社代售者不在此例

一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻列

一購書者將書價及郵費一併用郵匯最爲妥便不通郵匯之處以郵票代銀亦可但須固封函內掛號直寄紹興城中醫藥學報社收當班奉書不悞

一下集所採書目研經言吳氏醫案惜分陰軒醫案續刻外餘爲葉氏晚年醫案周氏集驗方續編張氏白喉證治通攷其亦六種幅頁較前加增定價仍每部二元六角外埠加郵力二角六分惟因紙價昂貴不售預約

醫藥叢書第二集總目

第一種 李冠仙知醫必辨全

第二種 市隱盧醫學禰著全

第三種 莫枚士研經言卷二

第四種 羅謙甫治驗案卷下

第五種 吳氏醫案卷二

第六種 惜分陰軒醫案卷二

惜分陰軒醫案卷二

無錫 伯華氏周小農述

紹興 裘慶元吉生校刊

謝蕙廷滬南元豐恒羊毛業酷嗜酒且喜海味歷年膏滋以別直參鹿茸爲主
又好人參再造丸以爲珍貴者必非常物購而服之冀筋強骨健因屢喪子悵
鬱不舒氣機窒塞癸丑春初寒熱自汗多醫調治濕熱未清浙慈張狃於病後
予溫補方自暮春至夏末服參百餘金芪棗湯數旬卒之良藥未能康強反見
氣窒神呆面油懶言胸膈燥熱如積火益以致咽喉灼痛鼻中火出噯噫日百
餘聲不知饑飽矣夏季以避戰事回錫蕉萃其容與之寒暄不答絕似虛弱已
臻極峰之狀初延圖董溫明遠先生診脈剛勁舌紅苔黃案爲肝腎虧損氣火
蒸灼以介屬潛陽佐以運化中樞如白芍生地龜甲杜仲石斛玉竹鼈甲白朮
茯苓半夏滑石荷莖等拾餘劑未見甚效後招予診予思此症誤藥半年積熱

充斥決裂有喉痺之險且病者之信仰真誠未可知少投未必卽操勝著因婉辭之見者亦謂病已成瘵尼予不必獨闢機械以順眾爲是逆眾爲非也翌日病者數促診視脈象弦大而數苔厚質紅各恙彌覺其減審知隱有悲懷木火灼於內濕濁阻於中因大反前案宗王孟英法清化肝火疏解氣鬱及蘊濕積痰如元參丹皮蒺藜川貝礞礮子鬱金旋覆光杏薏仁枇杷葉木蝴蝶以鮮藕萱花蘆根大劑煎湯代水服後自覺適宜連進三劑濕火下行便清肛灼所下漆靱氣穢極重脈弦陡柔舌紅大淡是以前溫補濕熱有下洩之勢向本無痰湧痰灰色外覺轟熱目中火出咽灼漸減噁氣亦鬆惟胃氣未復神情仍疲嗣去元參丹皮礞礮蒺藜木蝴蝶杏仁旋覆加入建曲車前通草蘇梗香附萊菔子之類正在病勢轉機而其親友以病久泄瀉迫令停藥一時疑陣頓起余令其日尋喜笑搃述皖中板痛欲笑不能俯仰不能自如續以開鬱降濁洩熱通絡至桂初餘火從醫上起一外瘍咽中燥癢再解肝胃之熱而祛絡蘊之邪如

川貝竹茹金鈴旋覆黑梔絲瓜絡橘葉絡忍冬藤黛蛤花粉草薢桑枝濕火盡
下瘍潰時外科欲以參芪溫託予曉之曰瘍爲蘊熱外洩之生路補則呆滯其
上咽灼喉症宜防也但以呼膿敗毒膿出數梔纏綿匝月方歛停藥已久因謝
之親友或勸其別診或令服籤方也據後得仙方係西河柳疑之方止餘火復
炎目赤牙腫咽辣而糙胸背灼熱沃痰輒厚詢悉曩服再造丸以附桂辛熱蛇
虫攻竄積熱深沈毫無疑義卽疏清咽太平丸加減如川貝犀角柿霜薄荷月
石雄精化州橘紅桔梗元參生研爲末竹瀝和蜜丸使其臥前服晨起痰吐黃
輒而厚是溫補留戀於膈者有鬆動之機另服煎劑如瓜蘊牛旁浙貝杏仁竹
茹射干蟬衣鬱金苦丁茶冬瓜仁瓦楞子等膠痰大吐苔反轉厚竟加白金丸
數分湧吐稠痰兩盅灼熱咽痛循止噯氣太減矣終因絡隧被攻鼠留邪肩時
痠痛肝火易旺嗔怒易起時已季冬向之病者之或親或友掣肘隱謗者至此
雖已引退然謝固掌數萬之巨富委心相從至此又以補之一字相聒圖董溫

先生曰謝係色慾過度肝腎大傷溫潤以鹿茸爲主補其督脈云余宗葉氏法清肝胃養絡隧與達氣鬱滯痰濁仿匱藥法以羚羊生地霍斛玉竹天麻徐菊丹皮寄生牛膝首烏麥冬阿膠爲末以絲瓜絡忍冬藤煎汁泛如痧藥大再以元參川貝鬱金蘇嚕子橘皮絡叭杏苡仁半夏耬末竹瀝層層拌泛匱補品於內令其服之各症漸退明年夏餘氣尙從頸項諸處發出熱癰甚多而飲食起居旋已復原此症盤根錯節極不易治矧謝深刻少信去年尙引過相讓謂現雖已有一子尙靳多毓或謂我服清藥過多恐後不能生育今丙辰聞其令閭又懷娠迨夏生子矣

張濟眾作霖無錫小渲白水蕩前清秀才癸丑在上海電局爲書記職夏間患足腫不思飲食繼於桂秋復發寒熱腫勢大盛氣逆腹滿囊大洩少向有痰咳更覺氣逆在滬就同鄉陳治謂爲脾虛氣弱連進參鬚白朮溫補十餘劑反增肢寒鼻冷回錫後南門華擬五皮飲甜葶藶蟋蟀乾等西鄉張用麻桂乾薑等

增喘逆不止北郭鄧斷以水已入射肺經五日內見汗卽脫榮業成教令就診
于余已不能行走其脈雖細然帶數象苔稍微黃詢知洩赤且赭濕熱充斥鼻
冷肢寒非屬陽虛乃肺氣窒痺溫補不宜疏方知母黑梔黛蛤川揀葶藶乾蟾
萊菔子車前子旋覆蘇梗紫苑防已路路通而以檳榔黑丑沈香雞內金研末
另服得瀉水下氣稍平咳加痰多是溫補留邪痰濕壅遏覆以半夏陳皮前胡
芥子黛蛤知母桑皮防已乾蟾浮萍通草紫苑三白草而令用生苡仁車前烏
柏根柳葉慈鬚麥楷等大劑煎湯代水其末藥中去檳榔加萊菔子胆星鬱金
等服後腫勢已減足指覺癢復令以鳳尾草鮮車前雄黃田螺蔥打爛敷臍其
同族張云水腫宜溫下不宜清水教用安桂胡椒官桂各五分研敷臍內頓時
火熱不可耐小洩忽少肛有熱瘡再到城求治審知洩仍赤混卧則齁喘痰聲
漉漉鼻柱忽暄忽厥非寒水也方仍旋覆紫苑半夏赤猪苓澤瀉腹皮川揀防
已知母桑皮黛蛤葶藶楓果仍用沈香黑丑菖蒲枳榔研末冲服兩服鼻竅已

暖大腹之脹收小足之漫腫已有皺紋余思脩園有云水腫宜隨下隨補病去而脾無恙爲佳令其每日服小溫中丸三錢小溲漸白而長腫亦大退該丸續服有十兩之多此症自菊秋治至十月水氣由清化濕熱而退而皮膚猶覺枯燥王孟英所謂濕熱則傷陰信不誣也又按葉氏有云藏府經絡之病以宣通爲是水濕粘滯犯肺爲痰嗽水漬經脈浮腫旣盛脈必細小是以余勘定雲遮霧掩不爲溫補之說所動者亦有所自後令秋石代鹽一百念日另疏於朮枳壳雲苓半夏橘皮杏仁紫苑桑皮苡仁烏藥防已茄皮澤瀉鷄血藤絲氈絡等以竹瀝泛丸令其日服數次以清邪藪一料後複入當歸白芍萆薢杜仲狗脊川斷桑枝等以養血脈絡陸續服至甲寅春仲鹽期已滿令其以煨鹽稍少用之詢知宿咳痰味帶苦澁或濁混而消瘦力乏余更予丸方令其常服如於朮川黃柏牡蠣粉澤瀉牛膝狗脊續斷茯苓防已橘皮萆薢苡仁金沸草山梔仁枇杷葉研末以豬肚煮爛打糊入半夏糊爲丸日服一二次渠僅服一料至夏

間而止無荷而濕溫而泄痢療愈後勸令常服前丸猶如保險至今三年康健
逾恒現爲富安鄉六區橋小學校教員

浙湖錢味青無錫中華輪局主癸丑四月患濕溫王徐二君迭治二旬因其苦
白燥以薏朴開以玉樞神糊苔灰症勢日重前手卽辭局中寄函至滬乃尊命
荷青昆仲乘快車至局相訪意欲延予不悉住址回滬後問悉發快信來錫延
診余察脈糊數苔灰咳痰色黑帶血詢知素喜飲兼證便泄腹中不舒舊有喉
痺陰亦不足前手顧濕不顧熱所以有此現象今宜轉舵改向卽疏沙參竹茹
枯苓山梔瓜仁薏仁連翹滑石通草腹皮枳實杏仁竹葉而以蘿藦蘆根湯代
水二劑後苔始化而熱漸減嗣去枯苓腹皮加花粉象貝黑痰亦稀小溲既暢
便泄亦定繼加川石斛川貝母等苔潤佈白神情大定不一旬而痊足見陰液
不足卽有濕痰溫燥亦宜慎用也錢君感激愈已逢人說項且不時走訪殊有
章名之感

白水蕩榮某種田養魚甲寅七月其妻赤白痢下肛痛痰多胃鈍不欲納有噤口之徵他手以葛根或烏梅炒入木香不應自服烟泡更不佳其族祖廕引導來城診脈數而左弦苔白措初予滑石藿香湯白頭翁湯詢知納減多日鄉醫迫令食鍋滯以致如是卽令購血精南腿煮清湯食之覆診胃稍蘇苔帶灰加石斛銀花扁豆花鮮藕鮮蓮子向之數十次之痢減至十餘次惟左腹素有瘕塊起而作痛痛則痢仍後重且脹時覺腹中熱辣肝陰不足伏熱未清也卽開石斛丹皮黑梔薤蓉金鈴元胡白頭翁黃柏兩頭尖扁豆花白芍以陳關蟄鮮藕蓮子煎湯代水另用外治蓬朮香附萊菔子單桃仁食鹽麩皮炒熨瘕上痛漸輕胃開痢止而痊

于君南蘇秦于巷向在太倉某花行其室人於乙卯春因胎前腫脹產後復劇向有宿咳胸痛氣脹少腹中結塊如盃堅而疼痛詢知產後惡露甚少積久有形南城某君診係濕熱服多劑不退尤渡所售之產後藥已進數劑亦不甚驗

因來診脈濡左絃因宗氣滯停瘀兼挾痰飲側䟽旋覆橘皮半夏橘核川棟玄胡歸鬚香附乳香沒藥兩頭尖而別以葱鬚麥楷煮水煎藥服數劑面腫略減覆詢肝火素旺氣機不暢用四七氣湯金鈴子散失笑散加丹參澤蘭防已蓬朮鬱金等服後上身之腫大減腹中瘀塊已軟向本足脛轟熱亦定再予旋覆紫苑香附蘇梗烏藥當歸澤蘭防已蓬朮等腹痛止瘀塊已化脘滿既鬆食亦大增至清和初浣腫勢全退病者因胎前腫脹繇延產後數月多醫廣藥而不見退故一經應效卽謹慎飲食服藥忌鹽迨乎善後毫無反復阻滯續擬丸方當歸赤白芍川芎薑汁炒生地澤蘭丹皮丹參防已川棟黑豆茺蔚子鬱金香附烏藥麥芽雞內金研以神耬煮糊爲丸早晚兩服連備兩料甚覺相宜而報告全愈矣

王少卿世居布行街乃源來油行股東素體羸弱而嗜烟霞席豐履厚至足樂也壬子十月患伏暑寒熱起伏胸悶懊懣初延北郭龔君治迄二旬未已日飲惜分陰軒醫案